



Sulinermik Inuussutissarsiuqartut Kattuffiata

aamma

Sigguk Uummannaq A/S

akornanni

Nalunaaquttap-akunnermusialittut sulisut pillugit

ISUMAQATIGIISSUT

1.apriili 2026-miit
31. marts 2029-i ilanngullugu

Imarisaa

§ 1 - Isumaqatigiissutip atuuffii.....	3
§ 2 - Piffissaq suliffiusoq	3
§ 3 - Akissarsiat.....	4
§ 4 - Soraarnerussutisiaqalernissamut akiliutit akilerneqartarnerallu	4
§ 5 - Qaangiuttoorneq aamma qaangiuttoornermut taarsiullugu sulinngikkallarneq.....	5
§ 6 - Napparsimaneq.....	6
§ 7 - Suliartoqquneqaratarsinnaanermut tapisiat.....	8
§ 8 - Tapisiat immikkut ittut.....	9
§ 9 - Sapaatini nalliuttunilu tapit aamma nalliuttuni ulluinnartigoortuni pisartakkat	9
§ 10 - Piffissani nikingasuni sulinermut paarlaattarlunilu sulinermut tapisiat	10
§ 11 - Atisat isumannaallisaatit il.il.	11
§ 12 - Qanoq sivisutigisumik sulisimanermut tapisiat.....	11
§ 13 - Nioqqutissiorneq siuarsarniarlugu akissarsialersuineq	12
§ 14 - Suliamik unitsitsigallarneq	13
§ 15 - Assuarlersinnaatitaaneq	14
§ 16 - Akissarsiat tunniunneqartarnerat	14
§ 17 - Sulinngiffeqarneq sulinngiffeqarnerisutillu.....	15
§ 18 - Aningaasaateqarfii.....	15
§ 19 - Naartuneq, ernineq qitornavissiartaarnerlu	16
§ 20 - Toqukkut qimagaanersiutit.....	16
§ 21 - Meeqqap napparsimanerani sulinngikkallarsinnaaneq.....	16
§ 22 - Meeqqap napparsimanerani sulinngikkallarnerit allat.....	17
§ 23 - Qinikkatut pisortanillu toqqakkatut suliassaqartitaaneq	18
§ 24 - Sulinngikkallarnerit immikkut ittut allat.....	18
§ 25 - Aaqqiagiinngissutit assigiinngitsuliorlunilu soraarsitsinerit.....	20
§ 26 - Sulisut sinniisaat pillugit malittarisassat	21
§ 27 - Soraarniuteqarnermi soraarsitsiniarnermilu siumut ilisimatitsivissat	21
§ 28 - Piffissaq isumaqatigiissutip atuuffia.....	22

§ 1 - Isumaqatigiissutip atuuffii

Isumaqatigiissummi matumani pineqarput nioqqutissiornermi suleqataasut tamarmik kiisalu laboratorieassistentit nalunaaquttap-akunnermusialittut Sigguk Uummannaq A/S-imi atorfinitsin-neqartut.

Imm. 2. Atorfinitsitsisoqartassaaq atorfinitsitsinermi allagartaq nalinginnaasoq illuatungeriini akuerisaasoq naapertorlugu. Atorfinitsitsinermi allagartaqarpoq aalajangersimasumik sulisunut aamma atorfinitsitaagallartunut.

§ 2 - Piffissaq suliffiusoq

Piffissaq suliffiusoq nalinginnaasoq tassaavoq tassaavoq ullut 7-t ingerlaneranni nalunaaquttap-akunneri 40-t, taakku naatsorsorneqassallutik ataasinngornermit sapaat ilanngullugu. Allamik isumaqatigiissuteqartoqarsimangippat piffissaq suliffik tassaavoq sapaatip-akunnerata ulluini siullerni arfinilinni nal. 06.00-ip 17.00-illu akornanni, aammalu sapaatip-akunnerani tullermi nioqqutissiornerup aallartinnerani sapaatini nal. 14.00-mit 23.00-mut. Sapaatip-akunnerata ulluisa arfineq-marluusut ilaat nalinginnaasumik ullut marluk sulisunut ataasiakkaanut sulinggiffiupput.

Imm. 2. Piffissap qanoq ilinerani sulisarnissaq suliffiup pisariaqartitsinera eqqarsaatigalugu sulisitsisumit aalajangerneqartassaaq sulisorisat taakkulu sulisutut sinniisaat oqaloqatigeerlugit.

Imm. 3. Unioqqutitsisumik sulingitsoornerit akissarsiatigut ilanngaatigineqartassapput piffissamilu akissarsiffimmi tamarmi suliartortarnermut bonusi peerneqartassalluni.

§ 3 - Akissarsiat

Ima akissarsitisisoqassaaq:

<u>Nioqqutissiornermi sulisunut</u> Nal. <u>akunnermusialinnut</u>	1. april 2026	1. april 2027	1. april 2028
	Nal. akun. Kr.-it	Nal. akun. Kr.-it	Nal. akun. Kr.-it
18-it sinnerlugit ukiullit	123,50	126,25	129,25
18-it inorlugit ukiullit	81,57	84,32	87,32

Imm. 2. ima akissarsitisisoqassaaq:

<u>Laboratorieassistentit</u> Nal. <u>akunnermusialinnut</u>	1. april 2026	1. april 2027	1. april 2028
	Nal. akun. Kr.-it	Nal. akun. Kr.-it	Nal. akun. Kr.it
18-it sinnerlugit ukiullit	135,57	138,32	141,32
18-it inorlugit ukiullit	88,62	91,37	94,37

Imm. 3. Tamatuma saniatigut suliarortarnermut bonusisiaqassapput piffissami akissarsiffimmi tamakkiisumi unioqqutitsisumik sulinngitsoorsimangitsut tamarmik.

§ 4 - Soraarnerussutisiaqalernissamut akiliutit akilerneqartarnerallu

Isумаqatigiissut una malillugu sulisut soraarnerussutisiaqalernissamik aqqissuussinermut SIK-mut atuuttumut ulloq 1. januaari 1994 pilersinneqartumut ilaapput.

Soraarnerussutisiaqalernissamik aqqissuussinermut akiliutit naatsorsorneqartassapput

1. aprili 2026 aallarnerfigalugu akissarsianit tamarmiusunit, taamattaaq bonusiaritinneqartunit/akkordernersiaritinneqartunit, tapeqartitsisoqarsimappallu taakkunanngattaaq:

Sulisitsisup akileeqataassutai	9,25 %
Sulisup akileeqataassutai	4,50 %
<hr/>	
Katillugit	13,75 %

Imm. 2. Akiliutit qaammammut ataasiarluni SISA-mut akilerneqartassapput. Ulloq akiliiffissaq kingusinnerpaaq tassaavoq qaammammi ullut qulingat.

§ 5 - Qaangiuttoorneq aamma qaangiuttoornermut taarsiullugu sulingikkallarneq

Qaangiuttoorneq sapinngisamik pingitsoorniarneqassaaq. Suliffiup nalinginnaasup avataatigut qaangiuttoornermi § 2 imm. 1 naapertorlugu, nalunaaquttap-akunnersiamut imaluunniit bonusisiamut/akkordernersiamut tapisiaqartitsineqassaaq, qaangiuttoorneq peqqussutaasimappat qaangiuttoornertullu nakkutigineqarluni. Nalunaaquttap-akunnerinut tamanut tapeq § 3 naapertorlugu nalunaaquttap-akunneranut akissarsiap 50 procenteraa.

Imm. 2. Qaangiuttoornissaagaluaq sulingikkallarninngortinneqarsinnaavoq sulisup sulisitsisullu isumaqatigiinneratigut. Sulingikkallarnermi qaangiuttoorner siassaagaluit sulingikkallarnermik taarserneqartassapput nalunaaquttap-akunnerisa qaangiuttoorfissaagaluit nalingannik piffissaq 50 procentimik ilallugu. Sulingikkallariffissaq katersorneqassaaq nalunaaquttap-akunnerisa affaasa aallartinneri tamaasa.

Imm. 3. Qaangiuttoornermut tapisiassaq sulinngikkallarnertut/qaangiuttoornerasiatut tunni-
unneqartassaaq aatsaat piffissami akissarsiaqarfimmi suliffissaq tamakkerlugu suliffigineqa-
reersimappat.

Imm. 4. Sulineq piffissaq akissarsiaqarfik tamakkerlugu sivissuseqarsimangippat piffissaq
suliffik tamakkiisoq, imm. 3 naapertorlugu, naatsorsorneqassaaq ullut nalinginnaasumik sulif-
fiusut gangerlugit nalunaaquttap-akunnerinik 8-nik.

Imm. 5. Qaangiuttoornissaq ilimasaarutigineqassaaq kingusinnerpaamik ullup suliffiup naa-
nissaa nalunaaquttap-akunnerinik 5-inik sioqqullugu. Ilimasaarinngitsoortoqarsimappat nalu-
naaquttap-akunneri qaangiuttoorfippiaat saniatigut qaangiuttoornermut nalunaaquttap-
akunneranik ataatsimik akiliisoqassaaq.

Imm. 6. Nalunaaquttap-akunneri 4 sinnerlugit qaangiuttoornerit ullormut suliffissaatitat nali-
nginnaasut avataatigut, qaangiuttoorfippiaat saniatigut qaangiuttoornermut nalunaaquttap-
akunneranik ataatsimik akiliisoqassaaq.

Imm. 7. Sulisartog nalinginnaasumik piffissap suliffiusartup avataatigut suliartoqquneqarpat
- suliffiup qimanneqareerneratigut imaluunniit ulluni suliffissaanngikkaluartuni - minnerpaa-
mik akissarsiaritineqassaaq nalunaaquttap-akunnerini 4-ni sulineq, tamatumalu saniatigut
nalunaaquttap-akunneranut 1-imut sulineq akilerneqassaaq.

§ 6 - Napparsimaneq

Sulisoq napparsimanini pissutigalugu sulisinnaangippat tamanna akuerisaasumik sulinngit-
soornertut isigineqassaaq, tamannali pisinnaanaani sulisoq sulitilluni piaarluni mianersuaal-
liorujussuarnikkulluunniit napparsimalersimappat imaluunniit atorfinitsitaanermini napparsi-
manini peqqusersusaarluni nipangiussimappagu.

Imm. 2. Napparsimanerup nakorsamit uppernarsaaserneqarnissaa sulisitsisup piumasarisinnaavaa. Nakorsamit uppernarsaatip piniarnera sulisitsisumit akilerneqassaaq.

Imm. 3. Sulisut nalunaaquttap-akunnermusiallit tamakkiisumik sulisorineqartut SIK-mut ilaasortaat napparsimanermik nalaani ullormusiaqartinneqassapput, apeqqutaalluni sulisoq napparsimalernissani sioqqullugu ataavartumik sivikinnerpaamik ulluni 30-ni sulisorineqarsimanersaq.

Imm. 4. Napparsimanermi ullormusiaqartitsisoqartassaaq ullormit sulisinnaajunnaarfimmit siullermit. Napparsimanermi ullormusiassat akilerneqartassapput sapaatip-akunneranut ullunut arfilinnut. Napparsimanermi ullormusiaqartitsisoqarsinnaavoq sivisunerpaamik sapaatip-akunnerini 26-ni qaammatit 12-it tullerit ingerlaneranni. Sulisinnaajunnaarnerli sulitilluni ajoqusernermik pissuteqarpat napparsimanermi ullormusiaqarneq sapaatip-akunnerinik 13-inik sivitsorneqarsinnaavoq.

Imm. 5. Napparsimanermi ullormusiaqartitsineq unissaaq ullormi sulisup sulisinnaaqqilerfianni, sulisoq ingerlaannaq sulilinngikkaluarpalluunniit aammalu peqqissinini nalunaarutiginnitsooraluarpaguluunniit. Ullormusiaqartitsinerli ingerlaannassaaq sulisup illoqarfimmi allami suliffimmi inissisimaffiginngisaani katsorsartissimalluni aqputissaaq siullerpaaq atorlugu suliffigisaminut uterluni sulisinnaaqqilernissaata tungaanut.

Imm. 6. Napparsimanerup nalaani soraarsitaanermi ullormusiaqartitaanissamut pisinnaati-taaneq atuutissaaq ulloq suliunnaarfissaaq tikillugu.

Imm. 7. Napparsimanermi ullormusiat 150,00 kr.-iupput tunniunneqartassallutillu sulisut SIK-mut ilaasortat akissarsiffigisartagaat malillugit.

Imm. 8. Atornerluisoqartillugu aaqqissuussinerit sulisunut ataasiakkaanut atorunnaarsinneqassapput.

Imm. 9 Nakorsiarnert, kigutilerisuliarnert meeqqallu nakorsiunneri maannamit akissarsiaqarluni ingerlanneqarsinnaassapput. Sulisup nakorsiarsimanermut kigutilerisuliarsimanermulluunniit uppernarsaanissaa sulisitsisup piumasaqaatigisinnaavaa.

Taamaattoqartillugu piumasaqaataavoq:

1. Illoqarfigisami kigutilerisuliarnermut atatillugu akissarsianut aningaasartuutit aatsaat matussuserneqassapput, imaappoq nakorsiarneq/ kigutilerisuliarneq illoqarfimmi allamiippat akiliisoqassanngilaq.
2. Nakorsiarnermut/kigutilerisuliarnermut atatillugu akissarsianut aningaasartuutit amerlanerpaamik akunnerit sisamat matussuserneqassapput. Sulisumut ataatsimut ukiut tamaasa ukiumut ataatsimut nakorsiarnert / kigutilerisuliarnert amerlanerpaamik pingasut matussuserneqassapput.

§ 7 - Suliartoqquneqaratarsinnaanermut tapisiat

Sulisartunut suliassanik nakkutigineqarsinnaanatilluunniit nakkutigiuminaatsunik qaangiuttooruteqartartunut suliartoqquneqaratarsinnaanermut tapisiaqartitsisoqarsinnaavoq makkuninga taarsiullugu:

1. Qaangiuttoornermi tunniuttakkat § 5-mi taaneqartut,
2. Sapaatini nalliuttunilu sulinermi tunniuttakkat § 8-mi taaneqartut kiisalu
3. Nikingasumik sulinermi tunniuttakkat § 9-mi taaneqartut.

Suliartoqquneqaratarsinnaanermut tapisiap angissusia aalajangerneqartassaaq illuatungeriit isumaqatigiissuteqartartut isumaqatigiinniareerneratigut.

§ 8 - Tapisiat immikkut ittut

Immikkut ittumik pissutissaqartoqartillugu sulisitsisup sulisullu sinniisaata isumaqatigiinnia-reernerisigut sulisartog inuttut tapisiaqartinneqassaaq.

§ 9 - Sapaatini nalliuttunilu tapit aamma nalliuttuni ulluinnartigoortuni pisartakkat

Sapaatini aamma nalliuttuni aammalu sapaatini nalliuttuni ulluinnartigoortuni sulinermi nalunaaquttap-akunneranut akissarsiat taperneqartassapput.

- Tapisiaq § 3 malillugu nalunaaquttap-akunnermusiap 50 procenterissavaa.

Sulineq qaangiuttoorneruppat taaneqareersup saniatigut § 5, imm. 1 naapertorlugu qaavati-
tigut qaangiuttoornermut tapisialiisoqassaaq imaluunniit § 5, imm. 2 naapertorlugu qaangiut-
toornissaagaluamut taarsiullugu sulinngikkallartitsineqassalluni

Imm. 2. Ullut uku nalliuttutut isigineqarput:

- a) Ukiortaaq, 1. januaari
- b) Kunngit pingasut ulluat (nal. 12-ip kingorna), 6. januaari,
- c) Sisamangorneq illernartog,
- d) Tallimangorneq tannaartog,
- e) Poorskip ullua aamma Poorskip ulluisa aappaat,
- f) Nunani tamalaani sulisartut ulluat 1. maaji (nalliuttutut ulluinnartigoortutut
ilivitsumik akilerneqassaaq),
- g) Tussiarfissuaq,
- h) Qilaliarfik,
- i) Piinsip ulluisa aappaat,
- j) Inuiattut ullorsiorfik, 21. juuni, (ulloq tamaat)

- k) Juulliarag, 24. decembari
- l) Juullip ullua, 25. decembari
- m) Juullip ulluisa aappaat, 26. decembari
- n) Ukiutoqag, 31. decembari

Imm. 3. Nalliuttuni sapaataangitsuni akissarsiat tunniunneqartartut, tassaapput:

- Nalliuttoq sapaataangitsog, ulloq tamaat: 300 kr.-it
- Nalliuttoq sapaataangitsog, ullup affaa: 150 kr.-it.

§ 10 - Piffissani nikingasuni sulinermit paarlaattarlunilu sulinermit tapisiat

Piffissaq suliffik piffissat suliffissaatitaasut § 2, imm. 1-mi taaneqartut avataaniippat, imaluunniit paarlaattarluni sulineq atorneqarpat tapiissutit makku tunniunneqassapput:

- a) Nal. 15.30-p 01.00-llu akornanni 8,00 kr. nalunaaquttap-akunneranut.
- b) Nal. 01.00-p 06.00-llu akornanni 20,00 kr. nalunaaquttap-akunneranut.

Imm. 2. Piffissami nikingasumi paarlaattarluni sulinermi qaangiuttoornerisitsinissamut taarsiullugu sulingikkallartitsisoqartassaaq § 5 imm. 2 naapertorlugu imaluunniit qaangiuttoornerisitsisoqassalluni § 5 imm. 1 naapertorlugu, § 5 imm. 1 naapertorlugu tapiissutisiassanut taarsiullugu.

Imm. 3. Kisianni paarlaattarluni sulilluni qaangiuttoornermi paarlaannerit aappaannit pingajuannillu siviuserusumik imm. 1 malillugu paarlaannermit tapisiaq kingulleq tunniunneqassaaq aammalu qaangiuttoornissaagaluumut taarsiullugu sulingikkallartitsineqassalluni § 5 imm. 2 naapertorlugu imaluunniit qaangiuttoornermit tapisitsisoqassalluni § 5 imm. 1 naapertorlugu.

§ 11 - Atisat isumannaallisaatit il.il.

Sulisitsisup akeqanngitsumik aaqqatit, kamippaat sullisit, oqorsaait, saaliaqutit gummit assigisaallu sulisartunut akeqanngitsumik atugassiissutigissavai, isumannaatsuunissaq eqqiluisaarnissarlu pillugit tamakku atortariaqarmatigit.

§ 12 - Qanoq sivistigisumik sulisimanermut tapisiat

Nalunaaquttap-akunnermusiamut imaluunniit suliarortarnermut bonusisiamut qanoq sivistigisumik sulisimanermut ima tapiissuteqartoqassaaq:

- | | |
|---|---------------|
| a) Sulisartuq suliffimmi tassanerpiaq atasuinnarmik sulereersimappat ukiumi ataatsimi | 8,00 kr.-it. |
| b) Ukiuni 5-ini sulereersimanermi | 9,00 kr.-it |
| c) Ukiut 8-ini sulereersimanermi | 11,00 kr.-it. |
| d) Ukiut 12-ini sulereersimanermi | 12,00 kr.-it. |
| e) Ukiut 15-it sinnerlugit sulereernermi | 15,00 kr.-it. |

Imm. 2. Qanoq sivistigisumik sulereersimanermut tapisiaq tunniunneqartassaaq suliffimmi tassanerpiaq sulisuusimaneq tunngavigalugu. Sulisartup sulisitsisullu isumaqatigiinneratigit suliffimmut allamut toqqaannartumik nuuttut tapisiasarilersimasatik pigiinnassavaat.

Imm. 3. Sulisitsisumi tassanerpiaq sulisuuinnarsimaneq tunngavigalugu qanoq sivistigisumik sulisimanermut katersat pigiinnarneqassapput feeriarluni, napparsimalluni, ernineq qitornavissiarernerlu pissutigalugit kiisalu inuiaqatigiinni qinikkatut sullissineq pissutigalugu sulinnikkallarneni.

Imm. 4. Nutaamik atorfinitsitsinermi atorfinitsitseqqinnermilu imm. 2 naapertorlugu sulisitsisup sulisullu akornanni isumaqatigiissutaasimangitsuni tamatigut trin 1-imut inissiisoqartassaaq, kisianni imm. 1 a) naapertorlugu.

§ 13 - Nioqqutissiorneq siuarsarniarlugu akissarsialersuineq

Illuatungeriit isumaqatigiissutigaaq nioqqutissiorneq siuarsarniarlugu akissarsialersuariaatsinik sapinngisamik annerpaamik atuisoqassasoq, pingaartumik bonusisitsisarneq akkordertitsisarnerlu eqqarsaatigalugit. Bonusisitsisarneq/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aaqqissuussinermi atuutissanersut.

Imm. 2. Bonusisitsisarneq akissarsissutissanik imaattunik katitigaassaaq:

- a) Nalunaaquttap-akunneranut akissarsiap ilaa aalajangersimasoq.
- b) Akissarsiap ilaa allanngorartoq (bonusitut tapisiaq) nalunaaquttap-akunneri suliffiit ataasiakkaat tamaasa naammassisaqarnerulernermik tunngaveqartoq.

Imm. 3. Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nalunaaquttap akunneranut akissarsiassaasa amerlaqataannik, bonus/akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaanngikkaangata. Taamatut siumoortumik akissarsiat bonus/akkordimik naatsorsuinerup naammassinerani ilanngaatigineqartassapput.

Imm. 4. Bonusinik aaqqissuussinerni aamma ataatsimoorluni akkordernorni, allamik isumaqatigiissuteqartoqarsimangippat, bonusisiassat akkordernersiassallu agguataarneqassapput nalunaaquttap akunneri peqataasut ataasiakkaat suliffigisimasaat tunngavigalugit.

Imm. 5. Bonus/akkorderluni suliaqarnermi piumasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut piareersimanissaat. Utaqqineq, atortussanik sakkussanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartorneq sulisartut ataasiakkaat nalunaaquttap-akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allanngortinneqarpat sulisartuq nalunaaquttap-akunnermusiassaminik kiisalu sulinerup allanngortinneqarnerata kingunerisaannik sivitsortoornermut tapisiasaminik pisassaqaartitaavoq.

Imm. 6. Teknikkikkut atortorissaarutit nutaat allalluunniit naatsorsuinermut tunngavissanik allanngortitsippata illuatungeriit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaqqinnissaannik piumasaqarnissaminnut. Isumaqatigiittoqarsinnaanngippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliasat pineqartut isumaqatigiissutit nalinginnaasut naapertorlugit nalunaaquttap-akunnermusiaqarluni suliasatut akissarsiaqaatigineqalissapput.

Imm. 7. Misiligutaasunik nioqqutissiornerne atugassarititaasussanik allanik, aamma akissarsianik aalajangersaasarneq pillugu isumaqatigiissuteqartoqarsinnaavoq isumaqatigiissutinit atuuttunit allaanerusunik.

§ 14 - Suliamik unitsitsigallarneq

Sulisartuq sulinerne nalaani sila pissutigalugu unitsinneqartoq, allamillu suliasinneqarsinnaanngitsoq, minnerpaamik ullormut nalinginnaasumik sulinerne akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpalluunniit.

Imm. 2. Aalisakkerivinni sulisartut, piffissap suliffiusup nalinginnaasup aallartinnerani suliartoq-qusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, sulinivittulli akissarsitinneqassapput, minnerpaamilli nalunaaquttap-akunnerinut sisamanut.

§ 15 - Assuarlersinnaatitaaneq

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissisi-manissaa aamma arfininngornermi sulinngiffeqartarnissamik aqqissuussinerit pillugit kissaa-tigisimasaat suliffeqarfimmut iluaqutaasussanut akornutaanngitsumik pinissaannik naammat-tumik tunngavilersorneqarsimanngitsut.

Imm. 2. Nalornissutigineqalerpat sulisoq §§ 5-imit 11-mut taaneqartunik akissarsissutissaqar-tinneqassanersoq, sulisullu sinniisaat aqputigalugu tamanna pillugu saaffiginnissutit naam-maginantumik angusaqarfiunngippata, suliassaq illuatungeriit isumaqatigiinniarnertigut aala-jangiivigineqassaaq.

§ 16 - Akissarsiat tunniunneqartarnerat

Piffissaq akissarsiaqarfiusoq ullunik 14-inik sivisussuseqarpoq, naatsorsorneqartassalluni ata-asinngornermit sapaatip-akunnerata tulliani sapaammut.

Imm. 2. Sulisartup Kalaallit Nunaanni imaluunniit Danmarkimi aningaaserivimmi konto akis-sarsianik nakkartitsiviusinnaasoq nalunaarutigissavaa. Akissarsiassat tiguneqarsinnaalissap-put piffissap akissarsiaqarfiup naanerata kingornatigut tallimannngornermi.

Imm. 3. Ulloq nalinginnaasumik akissarsiffissaq nalliuttuusimappat ulluinnarmi nalliuttup siu-liani akissarsisitsineqassaaq.

§ 17 - Sulinggiffeqarneq sulinggiffeqarnerisutillu

Sulisartut sulinggiffeqarneq pillugu Inatsisartut inatsisaat nr. 10, 12. novembari 2001-imeersumi, Inatsisartut inatsisaatigut nr. 12-ikkut 30. oktobari 1992-imeersukkut allanngortinneqartumi, malittarisassat tunngavigalugit ukiumoortumik sulinggiffeqarnissaminut pisinnaati-taaffeqarput.

Imm. 2. Inaatsisartut inatsisaanni § 1, imm. 2 naapertorlugu malittarisassat immikkut ittut matuma kinguliiniittut isumaqatigiissutigineqarput.

- Sulisartuq pisinnaatitaavoq akissarsiarisimasat 12 procentiat sulinggiffeqarnerisutis-satut katersussallugu.
- Sulinggiffeqarnerisutininik pisassanik piunasaqarneq sulisitsisumut saqqummiunne-qassaaq kingusinnerpaamik ukiup sulinggiffeqarfiup naaneraniit qaammatit pingasut qaangiutsinnagit. Taamaattoqarsimangippat aningaasat SIK-p Sulinggiffeqarnermut Aningaasaateqarfianut ingerlatinneqassapput.

§ 18 - Aningaasaateqarfiit

Aningaasaateqarfiit uku ima akiliuteqarfigineqassapput 1. aprili 2026 atuutilersussamik:

- Qaammarsaanermut Ilinniartitaanermullu Aningaasaateqarfik nalunaaquttap-akunne-ranut suliffiusumut ataatsimut 0,85 kr.-imik.
- Sulinggiffeqarluni Angalanermut Aningaasaateqarfik nalunaaquttap-akunneranut suliffiusumut ataatsimut 1,00 kr.-imik.

- Isumaginninnikkut Aningaasaateqarfik nalunaaquttap-akunneranut suliffiusumut ataatsimut 1,00 kr.-imik.

§ 19 - Naartuneq, ernineq qitornavissiarthaarnerlu

Sulisoq akissarsiaqarluni sulinngiffeqarsinnaavoq naartunermut, erninermut qitornavissiarthaarnermullu atatillugu inatsisartut inatsisaat sukkulluunniit atuuttoq malillugu.

§ 20 - Toqukkat qimagaanersiutit

Sulisartoq atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit uku tunniunneqassapput:

Suliffimmi ataatsimi sulisimagaanni::

- Ukiuni 1-imi Sap. ak. 4-ni akissarsiassat.
- Ukiuni 2-ni Sap. ak. 8-ni akissarsiassat.
- Ukiuni 5-ini sivilunerusumillu: Sap. ak. 12-ini akissarsiassat.

§ 21 - Meeqqap napparsimanerani sulinngikkallarsinnaaneq

Sulisoq piffissaq tamakkerlugu imaluunniit piffissap ilaannaani akissarsiaminik annaasaqar-nani sulinngikkallarsinnaatitaavoq meeqqap ukiukitsup napparsimanerani ulluni marlunni paarsinissaminut.

Imm. 2. Sulinngikkallarsinnaatitaanermi piumasaqaataavoq sulisartup suliffimmi taannaasumi qaammatit pingasut ataannartumik sulisimanissaa.

Imm. 3. Napparsimanernik allattuiffimmi ilanngunneqassapput meeqqap napparsimanerani sulingissimanernik paasisutissat.

Imm. 4. Atornerluinermi aqqissuussineq sulisunut ataasiakkaanut atortussaajunnaarsinneqarsinnaavoq.

Imm. 5. Akissarsianik annaasaqaataangitsumik sulingikkallarnermi nalunaaquttap-akunneranut akissarsiaqartitsisoqassaaq ullormi pineqartumi nalunaaquttap akunneranut akissarsiat nalinginnaasut aallaavigalugit, tapisiallu aalajangersimasut ilanngullugit.

Imm. 6. Sulisut qaammatini pingasuni sulereersimasut ukiumut ilivitsumut ullunik isumaginiffinnik marlunnik pisinnaatitaapput.

§ 22 - Meeqqap napparsimanerani sulingikkallarnerit allat

Meeqqap 0-imit 16-it angullugit ukiullip illoqarfimmi napparsimavimmi imaluunniit angerlarsimaffimmi imaluunniit illoqarfimmi allami unittariaqalernerani sulisoq qaammatini pingasuni (3) sulereersimaguni periarfissinneqassaaq ullut aqqaneq-marluk tikillugit akissarsiaminik annaasaqarani sulingikkallarnissaminut, meeqqap napparsimavimmut unitsitaanerani Peqqinnissaqarfiup akiligaanik angalanerme ingiallortitut.

Imm. 2. Meeqqap napparsimavimmut unitsitaanera angajoqqaallu unitsitaaqataanerat ingiallortitullu angalaqataanerat uppersarneqassapput.

Imm. 3. Immikkut illuinnartumik pissutissaqartillugu nakorsamillu uppersarneqarpat sulingikkallarneq sivitsorneqarsinnaavoq ullut tallimat tikillugit.

§ 23 - Qinikkatut pisortanillu toqqakkatut suliassaqtitaaneq

Isumaqtigiissut manna tunngavigalugu sulisut pisariaqartitsineq tunngavigalugu akissarsiaqarnatik sulinngikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq,
- b) kommunalbestyrelsimut ilaasortaaneq,
- c) ilagiit sinniisuinut ilaasortaaneq,
- d) atuarfiit siulersuisuinut imaluunniit sunngiffimmi ataatsimiititaliamut ilaasortaaneq,
- e) kredsdommeriuneq,
- f) eqqartuusseqataasartuuneq,
- g) eqqartuussivimmi illersuisuuneq,
- h) pisortanit suliassaqtitaanerit allat pisortanit suliakkiutigineqartut SIK-p Inuusuttaasa siulersuisuinut, sulinermik inuussutissarsiuqartut soraarnerussutisiaqalernissamut aningaasaateqarfiata SISA-p siulersuisuinut ilaasortanut, SIK-p Peqatigiiffiini siulersuisuinut ilaasortanut imaluunniit SIK-p siulersuisuunerinut ilaasortanut.

Imm. 2. Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagaluartumi qaangiuttoornersiaqarfissaq sioqqullugu pisoq sumiginnaanertut isigineqassanngilaq. Suliffimmit qimagussimanissaq sapinngisamik sioqqutsilluarluni sulisitsisumut nalunaarutigineqartassaaq.

§ 24 - Sulinngikkallarnerit immikkut ittut allat

Sulisut ilaquuttamik qanigisamik perulullutik napparsimaneranni, toquneranni ilisaanerannilu akiliunneqarlutik angalasinnaatitaapput nalinginnaasumillu akissarsiatik pigiinnarlugit sulinngikkallarsinnaatitaallutik malittarisassat matuma kinguliiniittut naapertorlugit:

Sulisunut sivikinnerpaamik qaammatini pingasuni suliffeqarfimmi sulisooreersimasunut qinnuteqaateqareernikkut ilaqttat qanigisat ilisaaneranni akissarsiatik nalinginnaasut pigiinnarlugit sulingikkallarsinnaatitaapput ulluni suliffiusuni qulini (10). Taamatuttaaq angalanermut akiliussisoqassaaq ilaqttat qanigisat perulullutik napparsimaneranni, toquneranni ilisaanerannilu, ilisineq Kalaallit Nunaanni illoqarfimmi nunaqarfimmiluunniit allami imaluunniit Danmarkimi pisussaappat. Sulingikkallarnernut siuliini taaneqartunut nalinginnaasumik angalanerup sivissusia ilanngunneqartassaaq.

Sulisooq ilaqttami qanigisami najugaqarfianiitillugu/napparsimavimmi il. il. Uningaffianiitillugu qanigisaa toqukkut qimaguppat sulingiffeqarsinnaatitaaneq ullunut 14-inut sivitsorneqassaaq.

Toqukkut qimagussimasup pigisaasa kingornussassanik suliarinninnissamut piareersarnermut peqataanermi taamaallaat ulluni 8-ni akissarsiat ilanngaatilugit sulingiffeqartitsisoqassaaq. Kingornussassanik suliarinninnerup ajornakusoornera pissutigalugu peqataasariaqarneq uppersarneqarsinnaappat, ulluni 8-ni akissarsiat pigiinnarlugit sulingiffeqartitsisoqassaaq.

Pissutsit immikkut ittut pineqarpata qinnuteqaateqareernikkut piffissami sivisunerusumi sulingiffeqartitsisoqarsinnaavoq.

Imm. 2. Sulingikkallarnissamik aamma akiliunneqarluni angalanissamik qinnuteqaat allaganngorlugu sulisitsisumut tunniunneqassaaq.

Imm. 3. Qanigisanik oqarnermi pineqarput angajoqqaat, aapparisaat katissimasat taakkunungaluunniit naligitinneqartut, qitornat qatanngutillu, kisiannili pineqanngillat aapparisaat katissimasat tassungaluunniit naligitinneqartup ilaqtai.

Imm. 4. SIK-p siulersuisuunerinut ilaasortat SIK-p siulersuisuunerisa ataatsimiinnerinut peqataanerminnut atatillugu akissarsiaqarlutik sulinggissinnaatitaapput amerlanerpaamik ukiutumut sisamariarlutik, taamattaarlu aamma SIK-p Inuusuttaasa, SIK-p Peqatigiiffiisa amma sulinermik inuussutissarsiuteqartut soraarnerussutisiaqalernissamut aningaasaateqarfiata SISA-p siulersuisuinut ilaasortanut, SIK-p Ataatsimeersuarnerinut Nakkutilliisoqarfiatalu ataatsimiinnerinut atatillugu. Sulinggikkallarnep nalaani akissarsiat naatsorsorneqassapput pineqartup nalinginnaasumik nalunaaquttap-akunneri suliffigisagai nalinginnaasumillu nalunaaquttap-akunneranut akissarsiarisartagai tunngavigalugit, tapisiat aalajangersimasut ilann-gullugit.

Imm. 5. SIK-p Inuusuttaasa siulersuisuinut, SIK-p Peqatigiifiini siulersuisunut aamma SIK-p siulersuisuunerinut ilaasortat kissaatigippassuk akissarsiaqarnatik sulinggikkallarnissartik, tamanna akuerineqartariaqarpoq. Taamatut sulinggikkallartitsisoqarsinnaavoq ukiut ataa-siakkaarlugit.

Imm. 6. Suliffiup avataani kisiannili suliffiup iluani SIK-p Peqatigiiffimmi siulersuisut ataatsimiinnerat Sulinermik Inuussutissarsiuteqartut Kattuffiata Peqatigiiffianiit aaqqissuunneqarsimappat tamanna sulisut sinniisaannut akissarsiatigut annaasaqaataanani pisinnaatitaaffius-saaq taamatullu pisoqassatillugu sapinngisamik siusinaartumik Sigguk Uummanaq A/S-imut tamanna isumaqatigiissutigineqartassaaq.

§ 25 - Aaqqiagiinngissutit assigiinngitsuliorlunilu soraarsitsinerit

Aaqqiagiinngissutit Naalackersuisut aamma SIK-p tunngaviusumik isumaqatigiissutaanni ma-littarisassat naapertorlugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffimmik atuinermi as-sigiinngitsuliortoqassanngilaq. Tamanna pillugu aaqqiagiinngissutit tunngaviusumik isuma-qatigiissummi qulaani taaneqartumi malittarisassat naapertorlugit suliarineqartassapput.

§ 26 - Sulisut sinniisaat pillugit malittarisassat

Isumaqaatigiisut manna malillugu sulisuusut sulisut sinniisaat pillugit Naalakkersuisut, Finans-ministeriap aamma SIK-p isumaqaatigiisutaannut qaqugukkulluunniit atuuttumut ilaapput.

§ 27 - Soraarniuteqarnermi soraarsitsiniarnermilu siumut ilisimatitsivissat

Atorfeqarnermi qaammammi siullermi sulisitsisoq sulisartorluunniit pisussaatitaanngillat atorfeqarnermik unitsitsinissamut tunngatillugu siumut ilisimatitserneernissamut.

Imm. 2. Nioqqutissiornermi sulisunut atuupput soraarsitsinissamik/soraarnissamik siumut ilisimatitserneernissamut piffissarititat uku qaammammi siullermi atorfeqarnerup kingorna-tigut:

Nalunaaquttap akunnermusialinnut:

	<u>Sulisitsisumit</u>	<u>Sulisartumit</u>
ukiuni siullermi (qaammat siulleq pinnagu)	Sap. ak. 2.	Ullut 3.
ukiuni 2-ni, 3-ni, 4-ni 5-nilu	Sap. ak. 4.	Sap. ak. 2.
Kingornatigut:	Sap. ak. 6.	Sap. ak. 3.

Imm. 3. Soraarniuteqarnermut/soraarsitsinermut siumoortumik ilisimatitsinissamut piffissarititaasut imm. 2-miittut sulisunut suliffeqarfimmi ataatsimi kipisaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) napparsimaneq erngerluni kingusinnerpaamillu nalunaaquttap-akunnerisa 24-t qaangiutinnginneranni suliffimmut nalunaarutigineqartoq,
- b) naartuneq, ernineq qitornavissiarthaarnerlu pillugit Inatsisartut inatsisaat naapertorlugu qimagussimaneq,
- c) suliamik unitsitsineq maskiinat uninnerannik, atortussanik amigaateqalernermik, nioqqutissiassanik amigaateqalernermik assingusunilluunniit pissuteqartoq, sulisoq neqeroorfigineqarluni suleqqilersimappat.

Imm. 4. Soraarsitsinissamut siumoortumik ilisimatitsissuteqarnissamut piffissarititaasut atorunnaassapput sulisup paarsinerlunneratigut imaluunniit suliamik unitsitsineq, atortussanik amigaateqalernerneq pisullu allat sunniuteqarfigisinnaanngisatut isigineqartut (force majeure) pissutigalugit suliuunnaarnikkut ingerlatsineq tamakkiisumik ilaannakortumilluunniit unippat.


Imm. 5. Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

§ 28 - Piffissaq isumaqatigiissutip atuuffia

Sumiiffimmi isumaqatigiissut manna kingumoortumik atuutilerpoq 1. aprili 2026. Isumaqatigiissut illuatungeriinnit tamanit atorunnaarsinneqarsinnaavoq marsip 31-anut qaammatinik pingasunik siumut ilisimatitsereerluni, siusinnerpaamilli 31. marsi 2029.

Nuuk, ulloq marsip 5-ani 2026


Sulinermik Inuussutissarsiuteqartut Kattuffiat



Sofie Svendsen

Kattuffiup Siulittaasuata tullia

Sigguk Uummanaq A/S



Frans Heilmann

Pisortaq